

2. No suposto de gastos en transporte público tramitados a través de comercio electrónico non será necesaria a factura dirixida á Universidade, indicada no apartado anterior, servindo de xustificante para a axuda de custo e locomoción para a contratación de billetes de avión, tren ou outro medio de transporte público. A documentación xustificativa deste gasto será a confirmación de reserva na que se indique a contía, a tarxeta de embarque, e a xustificación de ter realizado o pagamento.

3. De acordo coa política de fomento da contratación pública con pequenas e medianas empresas (Pemes), presente tanto nas directivas de contratación pública comunitarias como na lexislación de contratos vixente, incentivarase na medida do posible o número de ofertas recibidas por parte de operadores económicos que reúnan tal condición.

Artigo 21. Ingresos para a compensación de custos indirectos

1. Os ingresos para a compensación dos custos indirectos serán os establecidos no anexo H dos orzamentos. A porcentaxe mínima a aplicar sobre a base imponible das actividades será do 15% para as actividades non incluídas no anexo.

2. O único límite á aplicación dos custes indirectos será o establecido polas entidades financiadoras sobre a elixibilidade ou non dos mesmos.

3. Por resolución reitoral poderanse aprobar porcentaxes bonificadas de ingresos por custos indirectos para actividades que, polo seu carácter estratéxico ou por motivos de interese público, se aliñen cos obxectivos e fins da Institución.

Artigo 22. Retribucións pola docencia en estudos propios

1. Para os efectos previstos no artigo 16.5 do regulamento do Centro de Estudos Propios, establécense as seguintes retribucións máximas:

- Por hora de docencia: 150 euros.

- Por hora de dirección ou coordinación de estudos propios: 90 euros.

2. Así mesmo, establécense como límite máximos globais a percibir anualmente os seguintes:

- 12.000 euros por actividade docente.

- 7.500 euros por dirección ou coordinación.

A suma das retribucións obtidas por actividade docente e por dirección ou coordinación non superará os 15.000 euros.

Para verificar este cumprimento dende a unidade do Centro de Estudos Propios solicitarán información a Subárea de contabilidade sobre os importes contabilizados en meses previos do curso académico.

Disposición adicional primeira. *Operacións de crédito a curto prazo.*

Para atender necesidades transitorias de tesouraría, autorízase ao reitor a concertar operacións de crédito a curto prazo, que non excedan de un ano, sempre que exista crédito suficiente nas partidas de gasto. Para estes efectos terán a consideración de operacións de crédito a curto prazo, entre outras, os préstamos e créditos concedidos por entidades financeiras para cubrir desfases transitorios de tesouraría.

Disposición adicional segunda. *Adaptación das partidas do orzamento.*

Se, como consecuencia da aprobación de reestruturacións orgánicas ou de medidas de racionalización na xestión do gasto, se producen cambios na codificación das partidas do orzamento os compromisos adquiridos serán imputados de oficio nas partidas resultantes.

Disposición adicional terceira. *Recoñecemento extraxudicial de créditos.*

Sen prexuízo do procedemento indicado no artigo 7 establécese un procedemento excepcional de recoñecemento extraxudicial de créditos a favor de terceiros, referido a aqueles gastos que non foron legalmente contraídos para os que se dispón no exercicio corrente de crédito adecuado e suficiente. Nestes supostos a imputación ao exercicio corrente requirirá de:

- Solicitude motivada da persoa que exerza a dirección da unidade de gasto
- Informe sobre as repercusións xurídicas do recoñecemento extraxudicial de créditos - Informe favorable do Servizo de Control Interno
- Proposta de aprobación por parte da Xerencia
- Autorización definitiva polo Consello de Goberno e Consello Social.

Disposición adicional cuarta. *Clasificación das partidas do orzamento.*